



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გემო ჩოჩეთი

გემო ჩოჩეთი, სოფელი კასპის მუნიციპალიტეტის ახალქალაქის თემში (შიდა ქართლის მხარე), მდ. თედმის (მტკვრის მარჯვ. შენაკადი) ხეობაში. ზ. დ. 600 მ, კასპიდან 14 კმ, მეტეხიდან (უახლოესი რკინიგზის სადგ.) 8 კმ. 600 მცხ. (2002). სოფელში, თოიძიანთუბანში, შემონახულია ნატეხი ქვით ნაგები XIV-XV სს. საბრძოლო კოშკი, ოსეფიანთუბანში - რიყის ქვით ნაგები გვიანდ. შუა საუკუნეების მეორე კოშკი, ოკაანთუბანში - აგურით ნაგები მარიამ ღვთისმშობლის XVIII-XIX სს. ერთნავიანი ეკლესია. სოფლის განაპირას, ჩრდ-ით აღმართულია ნატეხი და რიყის ქვით ნაგები ეკლესია, რ-იც X ს. დასასრულს მიეკუთვნება. სოფლის სასაფლაოზე დგას აგრეთვე ამავე მასალით ნაგები IX-X სს. წმ. სამების ერთნავიანი ეკლესია.
